

# 21 تفسير سورة الشعراء (21) من قول الله تعالى (كذب أصحاب الأيكة المرسلين) الآيات 491-671

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد سلام الله عليكم ورحمته وبركاته. ثم اما بعد انتهينا من قصة قوم لوط عليه الصلاة والسلام - [00:00:00](#)

وان الله عز وجل جزاهم من جنس عملهم جاء في سورة الشعراء ان هو دمرهم واهلكهم خلاص. لكن في غيرها من الصور كالاغراف وهود مثلا جعل عاليها سافلها. يعني وصف التدمير - [00:00:24](#)

وكان الجزاء من جنس العمل لانهم نكسوا فطرة الله نكسوا الفطرة ونكسوا الهيئة والشخصية ربنا سبحانه وتعالى خلق الانسان في احسن تقويم في احسن تقويم دائما راسه فوق مرفوعة ياكل بايديه - [00:00:50](#)

يمشي على رجله دي خلقته كده خلقه كده في احسن تقويم فلما الانسان يعني يتسافل ويتدنى ويغير الفطرة وينتكس وينحني يكون الجزاء فعلا بجنس العمل. جعلنا عاليها سافلها وامطرنا عليها - [00:01:18](#)

وفي سورة الحجر عليهم حجارة من سجيل انتهوا لدرجة انه المكان اللي هم فيه انجس مكان كان غير طيب غير طاهر بحيرة نتنة بحيرة نتنة ما فيهاش حياة حياة يقول لك كده يقول لك البحر الميت ده مش عارف سموه بحر اللي هو مش بحر - [00:01:52](#)

وبحيرة انه مش مفتوح على اي بحر من بحر. بحار الدنيا كلها مفتوحة على بعضها كل بحار الدنيا لان ربنا خالقها اما دي شيه اوجد بسبب الجريمة دي مش مخلوق من ضمن المخلوقات اللي ربنا خلقها وفتحها على اخواتها - [00:02:29](#)

جميع محاور الدنيا متفتحة في بعضها ومتوصلة ببعضها ده مغلق لان هو مش مخلوق كبحر للكائنات الحية ولا شيه اغرب ما فيه ان طينه الطين والبتاع التتن ده يستخدم لعلاج - [00:02:50](#)

طبعا مش مش تبع منظمة الصحة العالمية حتى لو كان تبعها ما هي منزمة الصحة العالمية والمنظمة الصهيونية اصلا اي حاجة عالمية صهيونية. اي حاجة اي صندوق نقد دولي اي شيه فيه عالمي يعرف ان هو صهيوني - [00:03:14](#)

الطين بتاعه بيتعالجوا به البحر التتن بحيرة قوم لوط ما هو فعلا مين اللي ممكن يستريح لما يدهن جسمه بالطين؟ النجس اللي زي النجس اللي في المكان ده اللي زيه هو ممكن اللي يستريح فعلا - [00:03:34](#)

الارواح جنود مجندة هكزا قال رسول الله صلى الله عليه وسلم. فما تعارف منها ائتلاف وما تناكر منها اختلف شفت لقطات لسواح يجيبوا طين ويدهنوا جسمهم به جسمهم مين من البحيرة دي - [00:03:58](#)

قوم لوط. ايوة. مين اللي استريح ايه اللي شكلهم شكله ما علينا الحمد لله الذي عافانا ونسأل الله ان يظهر الكوكب الارضي من هؤلاء ويعجل بزواله مصيبة يا اخوانا ان امتنا اكمنها كبيرة وعمرها طويل - [00:04:27](#)

فيها كل عيلة للامم السابقة كل اللي تسمع عنهم موجودين عندنا كل الامم اللي هلكت موجودين عندنا. امراضهم يعني امراضهم وطبعا كل الاتقياء وكل الصالحين اللي فيهم عندنا احسن منهم - [00:04:53](#)

عندنا احسن منهم عندنا احسن من الحواريين وعندنا احسن من اصحاب موسى وعندنا وعندنا اسوأ من قوم لوط واسوأ من قوم شعيب واسوأ من قوم صالح العقر الناقة وكذبوا سيدنا صالح. عندنا كل حاجة - [00:05:10](#)

العمرة الامة او الكبيرة كانت امم صغيرة كده امم قوميات قوميات مش امة عالمية. انما الرسول عليه الصلاة والسلام ارسل للناس ايه

كافة فمعنى قوم ايه ؟ شعيب كذب اصحاب الايكة المرسلين اذ قال لهم شعيب. [00:05:31](#) - الا تتقون

هنا شوية حاجات ايه؟ مغايرة للايه للايات السابقة كذبت كذبت قوم نوح كذبت عاد كذبت قوم لوط كذب واتشال الايه التأسيس

كذب التنيس مش موجودة. اصحاب جمع صاحب جمع صاحب - [00:05:55](#)

صاحب وصاحب وصاحب اصحاب وصاحب بمذكر تزكروا معنوي ولفظي فيبقى كذب اصحاب. ما تجيش كذبت انما قوم يعني

جماعة وجماعة ديت امة وجماعة تمشي معها ايه كذبت يا امة وجماعة تمشي معها كزبت - [00:06:26](#)

اما صاحب اصحاب ما تجيش معها ايه؟ كذبت. يبقى كذب اصحاب الايكة والايكة شجر ملتف كتير كتير. والشجر طبعا صحته حلوة.

مش شجر ضعيف وهزيل ما انت لما تشوف الجينة النشو - [00:06:53](#)

اكيد في عندكم فكرة عن الزراعة والجنائر والحاجات دي. ها ولا ما عندكوش الهي الجينة لسه نشو كل ايه؟ يعود لوحده كده. بعد

الشجر بقى ما يبكبر ويعفى والفروع بقى ترتد هنا وهنا وهناك ممكن فروع الشجر تخش في بعضها - [00:07:14](#)

اهي كانت كده بقى كان عندهم حدائق وحدائق صحيحة والشجر ملتف ومتداخل الايكة يعني الشجر الملتف وصحة كده. قيل انه

كان جناين وحدائق النبق. شجر النبق عارفين شيخ جر النب - [00:07:32](#)

وقيل الدوب شجرة دوم اللي احنا دي او دي ايا كان واصحاب الايكة هم ديت. لان بعض المفسرين بيعتبروا اصحاب الايكة حاجة

ومدين ايه؟ حاجة تانية. وان سيدنا شعيب الاتنين. لا هي امة واحدة - [00:07:57](#)

هي امه او اصحاب الايكة ايه؟ هم ادين. هم ادين كذب اصحاب الايكة المرسلين اذ قال لهم شعيب ما جابش ايه اخوه. تاب ليه لان

هم اضيفوا للايكة ضيفوا اضيفوا للشجر وقيل ان الايكة دي كانت شجرة مقدسة بيعبدوها - [00:08:15](#)

من ضمن الشجرة اللي عندهم يعني شجرة مقدسة بيعبدوه. عندنا بردو الناس هنا بتعبد شجر مش كده ولا ايه في عندنا اشجار بتعبد

واشخاص بيعبدوا اماكن وحاجات كده تلاقيها ما لهاش معنى ولا حاجة ولا - [00:08:45](#)

مش عارف اقول لك آآ مسجد السبع بنات لحاجة زي كده شبابنا ايه سبع بنات؟ ما تعرفش. رايحين فين وجايين منين ؟ ومسجد قم

قم سبع بنات كانوا بيعملوا ايه وما تعرفش - [00:09:01](#)

المهم فهنا الاية ما قالتش ما ضيفتهمش ايه؟ ما قالتش اخوهم ايه كذب اصحاب الايكة المرسلين اذ قال لهم شعيب طب ما هو اخوه.

اخوهم فعلا نسبا. هو منهم. مش زي سيدنا لوط كمان. سيدنا لوط ما كانش ايه - [00:09:17](#)

ما كانش منهم لأ شعيب منهم بس اكمي النص جه في الاول واضافهم الى الايكة الاصحاب الايكة ما يتشرفوش باضافتهم الى مين

تاني الى شعيب ما يتشرفوش بيعبدوا الايتام. بيعبدوا شجرة - [00:09:38](#)

ايه بقى يا ما يصحش ينضافوا لايه ؟ لشعيب اذ قال لهم شعيب ان الا تتقون نفس الكلام. اني لكم رسول امين. دي ا تكررت كده اربع

مرات خمسة اني لكم رسول امين. قالها سيدنا نوح مش كده؟ اني لكم رسول امين. وقالها سيدنا هود - [00:09:59](#)

وعلى سيدنا صالح وعلى سيدنا لوط وادي سيدنا شعيب رقم خمسة بيقولها اني لكم رسول امين والى سيدنا موسى بس مش هنا

قالها في سورة الدخان لما بيقول له بيقول لفرعون - [00:10:19](#)

ان ادوا الي عباد الله. ادوني ايه ها ادوني بني اسرائيل. قال ادوا الي عباد الله اني لكم رسول امين هنا برضو نفس الكلام خمسة

اهمت في سورة واحدة خمس رسل - [00:10:36](#)

بصورة واحدة في سورة الشعراء كل واحد بيقول لهم اني لكم رسول امين وبكرت تاني وبعيد. كل الرسل امناء وكل العلماء الربانيين

امناء عالم رباني يبقى امين. عالم دنيوي يبقى مش امين - [00:10:55](#)

على كرسي عينه على فلوس عينه على اي حاجة يبقى مش امين لامين عابدين ولا امين على الناس يغشهم لا امين على راعي ولا

امين على رعية يغش الراعي يقول له انت ما فيش احسن منك. ويغش الرعية يقول لهم هو كده حلو اوي - [00:11:17](#)

لانه مش رباني. الرباني ينصح اللي فوق واللي تحت وينصح الكل لله لازم يبقى امين لازم وزي ما سيدنا صالح قال لهم كده قال لهم

ولكن لا تحبون الايه؟ الناصحين. لا من الانبياء ولا من ايه - [00:11:40](#)

ولا من غير الانبياء. لا تحبون الناصحين وهي قاعدة غالب الناس كده غالب الناس لا يحب الناصحين لا يحب ان يتك على عوراتهم ويعيوبهم ويعرفهم عيوبهم ويقول لهم يا اخوانا مش كده - [00:11:57](#)

يا اخوانا عاوزين نفوق عاوزين نعمل كزا. عاوزين نعمل الصح. بلاش دي وبلاش دي. ما بحبوش عاوزين اللي يمشي معهم ويداهنهم ودوا لو تدهنوا تدهنه في ايه اه تمشي معهم يحبوك - [00:12:12](#)

ولولا ان ثبتنا لقد ايه تركن اليهم بس لا يمكن لا يمكن يركن. فالشاهد اني لكم رسول امين كل الرسل كده وكل العلماء الربانيين امناء ولذلك بيقلوا كلمة الحق وبيقلوا بعدها ما يلقوا بقى ما يلقوا - [00:12:31](#)

فاتقوا الله واطيعوه بيخوفهم. بيخوفهم اتقوا الله واطيعون امري يقتضي الوجوب. اتقوا الله. يعني ايه؟ اجعلوا بينكم وبين غضب الله وقاية زي ما جه الرسول قالها بعد كده قال ايه؟ اتقوا النار. وهي ايه النار دي؟ ما هي النار هي غضب الله. هي برضو زي اتقوا الله - [00:12:53](#)

يعني واحد يقول لك ان نتقي الله ولا نتقي النار ما هي النار عزاب الله يعذب به من يشاء من عباده. فاتقيه فييجي الرسول يقول لك ايه؟ ولو الشق ايه - [00:13:16](#)

ولو بشق تمره. يبقى ده امر يقتضي الوجوب. اساس التقوى وفرع التقوى. يعني ايه؟ يعني اول حاجة في التقوى. اخر حاجة في التقوى هو ان تعبد الله لا تشركوا به شيئا. هي دي اهم حاجة - [00:13:28](#)

اوعى تكون فاهم تتقي الله في بيع وشراء وانت مشرك مش ممكن اوعى تكون فاهم انك هتتقي الله بانك صادق ومش عارف ايه ومتقن والصنعة. وانت بتشرك مع الله شيئا. لذلك ما فيش واحد يهودي ولا نصراوي - [00:13:43](#)

ابدا بيتقي الله ابدا مستحيل مستحيل مهما يكون امين في بيعه وشراؤه وامين في صنعته. لا لا لا ما فيش الكلام ده اصلا. هتيجي تقوى منين واساسها وفرعها لانه يشرك بالله فما تجيش تقوى - [00:13:58](#)

ما تجيش تقوى. ده امال ليه امال تسميه ايه؟ ده بتسميه خايف على سمعته. خايف على قرشه. خايف على تجارته. مش عاوز تجارته تقع. مش عاوز تقع. بس. لان هو اصلا يشرك بالله. فيشرك بالله فيتقي الله ازاي يعني؟ ما ينفعش. ما حصلش - [00:14:16](#)

يبقى اساس اي تقوى ولذلك كل الانبياء يركزوا على دي. منهم سيدنا شعيب هو هنا ما قلهمش آآ اعبدوا الله ولا تشركوا به شيئا. بس قالها في اماكن تانية والى مدين اخاهم شعيبا في اماكن تانية. قال يا قوم اعبدوا الله ما لكم من اله ايه؟ غيره. دي في الاعراف - [00:14:36](#)

والى مدينة اخاهم شعيبا قال يا قومي اعبدوا الله ما لكم من اله غيره ولا تنقصوا المكيال والميزان اني اراكم بخير الى اخره وفي برضو في العنكبوت والى مدينة اخاهم شعيبا فقال يا قومي اعبدوا الله وارجوا اليوم الاخر - [00:14:56](#)

ولا تعثوا في الارض مفسدين يبقى اساس التقوى هي ان تعبد الله ولا ايه ولا تشركوا به شيئا. دي اساس التقوى وبعدين بقى اتكلم معهم في البلوى اللي هم مبتلين بها بالاضافة للشرك - [00:15:14](#)

انا قلت لك كل بلون الامم السابقة موجودة عندنا. حتى الشرك كمان موجود ونفس العيوب. قال لهم بقى يقول لهم ايه؟ او فلكي ولا تكونوا من المخسرين وازنوا بالقسطاس المستقيم - [00:15:31](#)

ولا تبخسوا الناس اشياءه ولا تعثوا في الارض مفسدين. يبقى دي عيوب جنب او امراض جنب الايه؟ ها؟ جنب الشرك. موجود عندنا كلام. او فلكين اوفوا الكيل وزنوا. اوفوا الكي وزنوا - [00:15:46](#)

شف القرآن ما خلاش حاجة. ده لسة هيجي الي عمره ما يخطر يقول لك على بال عشان عزمة القرآن وصلاحيته لكل زمان ومكان. اوفوا وزنوا. او فلكيل وازنوا بالقسطاس. وتقرأ بالقسطاس. وضم القاف - [00:16:03](#)

او فلكىنة وزنوا بالقسطاس. ده امر يقتضي الوجوب. لازم تنفز بوفاء كيل ما يكال. الشيء اللي بيكال اللي يكال نوفي فيه. نوفي كيلو. والشيء اللي بيوزن نوفي ميزانه اللي بيتكيل نكيله صح - [00:16:21](#)

واللي بيتوزن نوزنه ايه ما عايش بيتنقل حاجة بتكلم دلوقتي. في حاجة بتكال تاني دي حد قاعد بيشوف كلى تاني ايه اه لا انا

بتكلم على الكيلو الكيلو ما عدش - 00:16:45

كنا نسمع زمان على الكيلة دي حاجات عجيبة. والميزان ما زلنا نسمع الميزان برضو اسمع الميزان آآ يعني بقى الحاجات حيل حيل  
عدم الوفاء. ويبين لك ان هو وفاه بيقول لك ان هو وفاه - 00:17:04

الكيلة يقول لك بيهزها وساعات يحط كم ودراعه ويحط عليها كده. بيرفع مستوى الايه ها الكيلة يعليها شوية يعني الدراع يحطه  
عشان يجيب ايه؟ عليه شوية والميزان وما ادراك ما الميزان! ايد بايده يهزه! يحط حاجة فيه من تحت - 00:17:22  
حيل بقى اكيد انتم عارفينها وفيه ولديه ولديه يصرع الميزان يسرعه ودي عند الجزائريين الى ايه يقوم قاطع لك اللحم ويوريها  
لك كده واقوم رايح هابيدها في الميزان. كانت بتهدبها ليه - 00:17:45

عشان ايه؟ يتوب. هو بيطب من اللي شايفه. مش بيطب على ان هو وفى لأ من رزع اللي هو وقبل ما يقوم راسه يكون ايه؟ شاله  
ولفه ومورها لك حمرا وزى الفل - 00:18:02

يلهف له ميت جرام متين جرام اللي يلهفه يلهفه فاوفوا كل ده كان موجود في قوم ايه عندي. يبقى اوفوا وزنوا. اوفوا الكي وزنوا  
بالقسطاس او القسطاس فيه نهى بقى يبقى فيه امر بالتوفية وفيه نهى عن البخل - 00:18:17

ولا تبخسوا الناس اشيائهم ده نهى يقتضي التحريم ولا تعثوا في الارض مفسدين ولا تعسوا في الارض مفسدين التوفية وعدم  
البخس في اشيائهم لا توزن ولا تكال وانما تقاس واشياء تعد - 00:18:38  
يبقى دخلت النص ولا مش داخله؟ طب داخله في ناحية تاني؟ ما هو اوف بالكيد ولا تكونوا من المقسطين. وزنوا طب دخل فين دي  
ولا تبخسوا الناس ولا تبخسوا الناس - 00:19:08

ولا تبخسوا الناس اشيائهم ولا تعفوا. ده اسلوب ايه ها نهى. تمام؟ وكلمة اشيائهم جاءت ايه نكرة اشيائهم مفتوحة اشيائهم وقلنا  
وبنذكر، لما تيجي النكرة في سياق الايه ها - 00:19:23

النهي والنفي والشرط تفيد الايه؟ العموم اشيائهم. يعني ايه؟ اي شيه للناس اوفوا الكيل وزينوا بالقسطاس بيقى دي حاجات ملموسة  
ومحددة اهي فاضل بقى اشيائهم. اللي هي لا تكال ولا ايه؟ انما تقاس - 00:19:43

او تعد تعد في حاجات بتنباع بالعدد ولا ايه هو زوجه الجزم بينباع بكم؟ ثلاث فرد ولا ولا جوز كان زمان تقريبا ثلاث فير كانت الدنيا  
رخيصة بينباع بالزوج مش كده - 00:20:13

يبقى توفيه لازم تدي له اليمين والشمال. ما ينفعش تدي له اتنين يمين ولا اتنين ايه ولا ينفع تدي له يمين وشمال بس لونين مختلفين  
يبقى ما وفيتوش ببقى بخشته الايه - 00:20:30

فتشمل ولا تبخسوا الناس اشيائهم الاشيائهم اللي ايه ها لا تعد ولا توزن امال ايه كمان الاسلام اكبر من كده بكتير طب ما في للناس  
اشياء لا تعد ولا توزن ولا تقاس ولا تكاد ولا ولا ولا ولا امال ايه - 00:20:45

امال ايه يعني ها ولا تحاش ولا تقاد بس لازم ياخدوا اشيائهم ها خدمة خدمة ممكن تمشي انا هديك المسال اهو في السنة هتחס  
بعظمة الاسلام. ما خلاش ولا تبخسوا الناس اشيائهم اي شيه للناس. اديه لهم - 00:21:06

بيتوزن عارفينها. بيتكيل عارفينها بيتعاد عرفناها بيتقاس عرفنا امال ايه تاني؟ لا فيل ما فيش حاجة خالص في حاجة فضل اعترف  
له بالفضل بتاعه باشيائهم صاحب فضل ردوا له الفضل - 00:21:38

ما تبخشهوش صاحب معروف ردو له المعروف اوعى تبخس معروفه اوعى تبخس فضله وطبعا استاز البشرية كلها في المسألة دي  
هو سيدنا محمد صلى الله عليه وسلم. عمل ايه بقى - 00:21:59

ابو سعيد الخضري يقول عند البخاري ومسلم يقول خطب النبي صلى الله عليه وسلم. خطبة عادي قال فيها ايه ان الله خير عبدا بين  
الدنيا وبين ما عنده فاختر ما عند الله - 00:22:19

خطبة ان الله خير عبدا بين الدنيا يفضل ولا يرحل بين الدنيا وبين ما عنده فاختر ما عند الله. فبكى ابو بكر رضي الله عنه فقلت اي  
ابو سعيد اعد وسمع الخطبة وشايف المنزر وشايف ابا بكر - 00:22:41

فقلت في نفسي ما يبكي هذا الشيخ رضي الله عنه ان يكن الله خير عبدا بين الدنيا وبين ما عنده فاختار ما عند الله فكان رسول الله صلى الله عليه وسلم هو العبد - [00:23:07](#)

هو العبد وكان ابو بكر اعلمنا اي برسول الله قال يا ابا بكر لا تبكي في رواية ثانية عند البخاري ايضا ابو بكر لما الرسول قال الجملة دي قال فدينك - [00:23:31](#)

بابائنا وامهاتنا يا رسول الله. ففهم الصحابة ان المقصود مين لا اله الا الله. كل ما فهمش الا مين الرجل ده يا اخواننا كان شخصية عجيبة جدا كل ما اقعد افكر فيه - [00:23:54](#)

واستعرض حياته الاقي هذا الرجل ما تقدم ولا فقد الامة الا بتفعيل ما علم ما كانش علمه كثير ولا حاجة ما كانش علمه كثير في صحابي اعلم منهم مسافات حديس وحفظة قرآن هو كان حافظ قرآن كان حافظ القرآن كله - [00:24:11](#)

بس ابو بكر تحول القرآن الى عمل حول الاسلام الى عمل. طب والصحابة؟ برضو حوله بس مش زيه فاق كل الناس لذك سنده او الاحاديث اللي اسندها بسيطة جدا جدا - [00:24:37](#)

دوره في العلم مش قد كده. انما بعد كده بقى هو كل حاجة تخيل بقى يعني ابن عباس لو كان موجود وعمر كله كله ما حدث تنبه للجملة اللي الرسول قالها الا مين - [00:25:00](#)

الا هو ومتى وبكى يعني الرواية بتقول فدينك يبقى نطق فدينك بابائنا وامهاتنا يا رسول الله وبكر فلما عمل كده بكاء مع فدينك يبقى هو المقصود مين الرواية دي بقى اكد الرسول صلى الله عليه وسلم - [00:25:19](#)

احاسيس ابا بكر ابي بكر قال له ايه يا ابا بكر لا تبكي يعني ايه يعني انا ماشي ماشي انا خلاص اخترت ربي خيرني وانا ايه اختر انا خلاص هاموت يعني - [00:25:46](#)

تبكي ما تبكيش فلا تبكي. لا تبكي يا ابا بكر وبعدين شهد اهو بقى بالحديس اللي انا عاوز اوصله لك اهو بقى اللي هو لا تبخسوا الناس اهو ده بقى - [00:26:04](#)

قال الرسول صلى الله عليه وسلم ان امن الناس ان امن الناس علي في صحبتته وماله. ابو بكر يبقى دي ولا تفخسوا الناس ايه اعترف له بالايه؟ بالفضل. معقول حد له فضل على الرسول يا اخي - [00:26:16](#)

ده الواحد لو قالها ممكن يخرج من الاسلام ده لو ابو بكر لما قال هيخرج بالاسلام انما الرسول يقولها اه يقولها يقولها هو اللي بيعترف انما لو ابو بكر قال له يا رسول الله مش انا برضه كده يكفر - [00:26:42](#)

وعمله كله يضيع صح ولا مش صح اذا كان لو تصدق لانسان عادي تبطل الصدقة لا تبطلوا صدقاتكم. فما بالك بقى لو من على الرسول ولا كل حاجة كل اعماله تضيع - [00:26:58](#)

ابو بكر ما قالهاش بس اللي قالها له مين اه قال ان امن الناس علي في صحبتته وماله ابو بكر وخذ المكافأة دي بقى على المألو لو كنت متخذا خليلا من امتي لاتخذت ابا بكر - [00:27:16](#)

يبقى برضه ولا تبخسوا الايه لو كان لو كنت هختار خليلا كنت هختار مين برضه برضه يبقى اعتراف بالفضل ولكن اخوة الاسلام ومودته خد دي برضو الثالثة. لا يبقين في المسجد باب الا السد - [00:27:38](#)

الا باب ابي بكر الا باب ابي بكر في رواية خوخة الا خوخة ابي بكر الباب والخوخة والحاجات دي كان مسجد الرسول عليه الصلاة والسلام تقريبا له ابواب وفتحات كتيرة على الشوارع - [00:28:00](#)

وعلى مسل لو فيه مكان بين بيتين ولا حاجة يوصل لمسجد الرسول كانوا ممكن ناس تعدي منه وكده المهم يوصلوا للمسجد الرسول قال كل الحاجات دي تتقفل بس ابو بكر اول ما كانش ما كانش له بيت جنب المسجد. كان ساكن في شمال المدينة في منطقة اسمها السنج - [00:28:21](#)

الموقف العالي في شمال المدينة كان بييجي يعني مشوار لحد ييجي المسجد بس تقريبا برضه وهو جاي غالبا بيبقى في باب ايه ها غالبا بيدخل منه غالبا بيدخل اللي هو اتجاه الشارع اللي جاي منه اتجاه الناحية اللي جاي منها - [00:28:41](#)



كل الابواب تتقفل الا باب مين؟ ابي بكر. ما يتقفلش يبقى اعترف له بايه بتلات حاجات ولا تبخسوا الناس ايه امني الناس على

ومستحيل ابو بكر ينطق دي وبعدين لو كان فيه خليل كان هيبقى ابو بكر - [00:28:57](#)

كل البيان تتقفل الا باب مين؟ وفعلنا كل الابواب اتقفلت الا باب وبعض اهل العلم قال دي كانت اشارات من سيدنا النبي على انه هو

ال خليفة من بعدي دي اشارات دي حقيقة افهموها بقى - [00:29:19](#)

وقدمه للايه؟ لامامة الصلاة ولا تبخسوا الناس اشياهم. بسيدنا شعيب بيقول من زمان والقرآن قالها والاسلام كرمها ونبي الاسلام فعلها

ابخسوا الناس ايه تعال علينا بقى احنا احسن ناس نبخس الناس اشياهم - [00:29:38](#)

واول ناس كبخس الناس اشياها الزوجية الزوجين. اقبح الخلق دلوقتي الزوج ايه الرسول لما وصفه قال يكفرن العشير دلوقتي بقى

بالايه؟ راكبين كفران العشير بالراحة. عارف بالراحة؟ اه. زي الماية في الترة زمان - [00:29:58](#)

تطلع الارض ايه ها بالراحة تطلع كده الماية مستواها عالي والارض واطية تنزل بالراحة كده لا ساقية ولا غير وارضك تشرب اهو

دلوقتي غفران العشير بالراحة وبخس الناس اشياهم بالراحة دلوقتي - [00:30:26](#)

عشان اي غلطة تاريخه كله اسود ومزلم ومظلم ما شافتش يوم حلو منه خالص وهو العكس برضو. نفس الكلام برضو. لو فيه حاجة

يبخسها ولا يعترف لها مع ان دي من المحرمات ولا تبخسوا الناس ايه - [00:30:44](#)

طب والعلاقة الزوجية توكان ولا توزن ولا تقاس ولا تعاد؟ ولا اي حاجة. تدخل تحت ولا لو خسوا الناس ايه اشياء اعترف لصاحب

الفضل مهما يحصل اختلفوا وتخاصمه وكل واحد يخرج جنبه ويصالحه ثاني. بس اوعى تنكر لصاحب الفضل فضله. زوج -

[00:31:08](#)

معلم جار اخ اكبر ايوه اخوك كبير له فضل عليك ورباك وعمل وسوى واسسك وعملك بني ادم وحاجات كتيرة قوي وقوي وبعدين

شميت نفسك شوية خدنا العمل لا لا معقول يا راجل - [00:31:41](#)

يا راجل اتق الله ولا تبخسوا الناس ايه اشياءه اشياهم يعني الاشياء اللي لهم. الحقوق اللي لهم عندكم. معنوية او مادية. ولا تعثوا

في الارض مفسدين. كانوا كمان قطاع طرق - [00:32:00](#)

قطاع طرق لان في في اية تانية قال لهم بياخدوا القرآن قال لهم في سورة الاعراف. ولا تقعدوا بكل صراط توعدون وتصدون عن ايه

برضو زي عندهم برضو اللعاب بتوع التكاتك يخطفوا الشنط يسرقوا مش عارف ايه يسبتوا - [00:32:15](#)

مش كده عاوز اقول لك نفس البلاوي اللي كانت في مدين وفي قوم لوط او مصالح ها كل اللي موجود واياه ها موجود عندنا عندنا

برضو قطاع طرق ولا تقعدوا بكل صراط توعدون وتصدون عن سبيل الله من امن به - [00:32:35](#)

بعديها برضو قال واتقوا الذي خلقكم والجبلة الاولين بيخوفهم. سيدنا شعيب بيخوفهم قل لهم اجعلوا بينكم وبين عذاب الله وقاية

لان ربنا خلقكم وخلق الاجيال اللي قبليكم. الجبلة يعني الاجيال السابقة - [00:32:57](#)

الم اعهد اليكم يا بني ادم الا تعبدوا الشيطان انه ايه لكم عدو مبين وانعمل فيكم ايه؟ ولقد اضل منكم ايه؟ جبلا كثيرا. اه كان الرد ايه

بقى؟ قالوا انما انت من المسحرين. معقول - [00:33:21](#)

مسحرين يعني اشمعنى السحر ببيجي للانبيا بس بس احنا ما بنجيش للناس التانية ليه؟ من المسحرين يعني من المسحورين من

المسحورين زي ما قالوا لسيدنا مين سيدنا صالح انما انت من المسحورين برضو. نفس الجملة - [00:33:41](#)

طب اشمعنى الانبياء هي اللي بتتسحر وانتم ما بتتسحروش ليه؟ عندكم مناعة ولا ايه وما انت الا بشر مثلنا. وان نظنك لمن الكاذبين

فاسقط علينا كسفا من السماء ان كنت من - [00:34:00](#)

الصادقين اعترض على بشرية الرسل يا اخوانا دي يعني ايه سنة سيئة والاعتراض برضه على بشرية المصلحين ومؤهلات

المصلحين بمعنى ايه؟ بمعنى انت جاي تصلح الكون وهتصلح البلد معك ايه - [00:34:15](#)

مؤهلاتك ايه؟ معك مسلا دكتوراة في الاقتصاد والعلوم السياسية مسلا لأ ده انا حافز قرآن. قرآن والقرآن ده بيصلح احنا عاوزين ناس

معها علوم سياسية صح ولا مش صح ها نفس الاعتراض - [00:34:43](#)

هم كانوا بيعتمدوا عليه كبشر. ما هو انت بشر وتبقى نبي انت بشر وعاوز تبقى نبي ما ينفعش الله! ازاي! ما هو لازم يبقى النبي بشر  
امال هتفهموا ازاي رب العالمين دي سنته في الخلق ولو جعلناه ملكا - [00:35:02](#)

لجعلناه رجلا لو هنزل لكم نبي ملك لازم نخليه يتقمص شخصية الاله؟ الرجل زي جبريل لما هيقعد في وسط الصحابة ويتكلم ويسأل  
زي الصحابة كان لازم يبقى ايه بشر وسيدنا عمر قال كده - [00:35:19](#)

طلع علينا رجل ما قالش ملك مع ان اللي طلع ده مين جبريل بس عمر بيقول طلع علينا ايه؟ رجل شديد بياض الصيام شديد سواد  
الشعر لا يعرفه منا احد لا يرى عليه اثر السفر - [00:35:39](#)

وليعرفوا منا احد يعني ما نعرفوش من قبيلة ايه ولا بتاع. وشكله كده مش جاي لا راكب ناقه ولا راكب فرس ولا بغلة ولا متعفر. ولا  
باين عليه مسافر طلع علينا كده - [00:35:56](#)

مع ان هو ايه ها؟ ما لك ولو جعلناه ملكا لجعلناه ايه؟ عشان هيتكلم هيتكلم بلغة بلغة الناس ويقوم يسأله يقول له الاسلام والايمان  
بنفس الاسئلة اللي احنا ايه ها؟ بنسأل بها. يبقى ما فيش اعتراض على - [00:36:11](#)

شرية النبي وما فيش اعتراض على مؤهلات المصلحين بل بالعكس ده مؤهلاته اللي تأهله للاصلاح وده حال الناس طبعها هل الناس  
وعلشان كده يقول لك ايه انتم ما لكوش في ما انتم عارفين الجملة الخبيسة لا سياسة في الدين ولا دين في الاله - [00:36:30](#)

جت منين الجملة دي اصلا؟ جت منين؟ اعتراض على البشرية يعني انتم انتم هتصلحوا؟ لا لا ما فيش اومال اشمعنى الناس اللي لها  
في لا تصلح؟ واحنا ما بنصلحش ليه؟ لا لا انتم ما لكوش في الاصلاح - [00:36:51](#)

ايه نفسي منطق واحد يا اخوانا بس مين يفهم بقى؟ الناس الناس مش عاوزة تفهم اصلا الناس مش عاوزة تفهم فهنا بيعترضوا على  
البشر. ليه؟ معترضين على شعيب ليه - [00:37:07](#)

ما انت الا بشر مثل وان ظنك لمن الكاذبين. كمان طب كزبت عليكم في ايه؟ ابدأ كازبين مش انت كزبت في كذا وكذا مش عارف ايه  
مش عارفين يقولوا حاجة زي كده. كلام عام كده. نظنك من الاله؟ من الكاذبين. ونقول لك من الاخر - [00:37:23](#)

لو انت صادق عاوزين برهان بقى قوم شعيب طلبوا البرهان. قال فاتي بابة. دول بقى ما طلبوش اية مطلقة لا ده حدودها لا حول ولا  
قوة الا بالله والتحديد نوع من التحدي - [00:37:42](#)

تحدي يقول له ايه فاسقط علينا كسفا من السماء. طب ليه عارف قصة يعني يعني قطعة بيقول له اعلينا حنة من السما. هتعملوا بها  
ايه تخيل شف الجبر والفجر نزل لنا حنة من السما - [00:38:04](#)

اعملوا بقى يا اخوانا ده انتم عندكم وعندكم والخير عندكم كثير اوي اعتبروا على سبيل التعجيز بنعجزك يعني ان كنت من  
الصادقين فاسقط علينا كسفا الكسف يعني القطع عاوزين حنة من السما - [00:38:24](#)

ان كنت من الصادقين هات لنا خلي بالك قلتها وبكررها مع سيدنا صالح لما نقلوا مجات الكفر بعد كده يبقى العذاب ايه مضاعف زي  
المائدة بتاعة بني اسرائيل هنا نفس الكلام - [00:38:44](#)

فاسقط علينا كسفا من السماء. يبقى لو ما جاتش الاية دي لو ما وقعتش القطعة دي جت ها يبقى العذاب برضو ايه؟ هو ما امنوش  
يعني لو جت وما امنوش يبقى العذاب ايه؟ مضاعف - [00:39:02](#)

فسيدنا شعيب ما وعدهمش بحاجة تنزل وقال لهم مش هتجيب لكم قطعة ولا حاجة. سيدنا صالح قام وصلى دعا ربنا وجات الاله  
الناقة سيدنا شعيب ما قلهمش. قال لهم ايه بقى؟ قال ربي اعلم بما تعملون - [00:39:17](#)

رب يعلم يستحق ان يقلع لكم يتكسف من السماء وهو اعلم بقى يعني ما معناه ان هو ايه ها ما طلبش. ما طلبش. ربي اعلم بما  
تعملون النتيجة ايه؟ فكذبوه - [00:39:33](#)

فاخذهم عذاب يوم الظلة. وصلوا طريق مسدود خلاص فاخذهم عذاب يوم الظلة. انه كان عذاب يوم عظيم طبعها لما يتحدوا نبي الله  
شعيب ويقولوا هات لنا حنة من السما. ان كنت صادق - [00:39:50](#)

فبيجب حنة من السماء ازاي يا اخوانا ويقص حنة من السما طب بعد الحنة ما تنزل هترجع تاني ولا مش راجع ولا تفضل عندكم

طب وفيه نبع والنبي عمل كده قبل كده ؟ اهو تعجيز و خلاص - [00:40:10](#)

جاء لهم بقى عذاب يوم الزلعة. برضو جه من ناحية السما. بدل ما تيجي قطعة من السما لأ ده جات لهم جالهم العذاب بقى فاخذهم عذاب يوم الظلة. هنا في سورة الشعراء - [00:40:23](#)

اخذهم عذاب يوم الظل في مكان ثاني في الاعراف فاخذتهم الرجفة فاصبحوا في دارهم جاثمين في سورة العنكبوت اخذتهم برضه الرجفة يبقى في في الاعراف والعنكبوت اخذتهم الرجفة في سورة هود ولما جاء امرونا نجينا شعيبا والذين امنوا معه برحمة منا واخذت الذين ظلموا - [00:40:36](#)

الصيحة يبقى عندنا كم حاجة ؟ ثلاثة عندنا صيحة وعندنا رجفة وعندنا ظلة ظل يعني ايه ؟ يعني غيامة الدنيا غيمت عليهم اهو برضه في السما اهو يبقى وبعدين اطول حاجة كده في العذاب الذلة او الغيام يعني - [00:41:06](#)

عشان حتى كده ايه عذاب يوم الظل. خدت يوم خدت يوم زلما مضلة عليهم. سحب مقيم عليهم كده والسحاب ده بقى فيه شرر وفيه نار عمالة تتسقط عليهم ومن جوة السحاب ده جت صيحة - [00:41:31](#)

صوت مزعج ومن تحت الارض جت رجفة يبقى الدنيا ضلعة وصوت ورقفة اجتمع عليهم كم نوع من العذاب ؟ ثلاثة. ثلاثة ثلاثة والجزء من جنس العمل النتيجة ايه خلاص زهقت الارواح وفاضت الانفس وخمدت الاجسام - [00:41:53](#)

ان في ذلك لاية وما كان اكثرهم ايه ؟ مؤمنين وان ربك لهو العزيز الرحيم. عزيز لا يغلب عزيز عن عبادة الطائعين مش محتاجها اصلا ورحيم لو رجعوا اليه قبلهم ان في ذلك لاية وما كان اكثرهم مؤمنين. وان ربك لهو العزيز الرحيم - [00:42:22](#)

نفس الختام بعد كل قوم الله عز وجل يهلكهم يأتي الايتين دول ان في ذلك لاية لاية وما كان اكثرهم مؤمنين. اكثر الاكثر مشركي مكة اكثر الناس مؤمنين وعلى كل حال وان ربك لهو الايه ؟ العزيز الرحيم - [00:42:54](#)

بعد كده ننتقل للحديث خلاص كل الامم اللي هي ربنا كتب لها الهلاك هلكت القرآن بقى يتحدس عن نفسه بقى شوية بتحدس لان الايات دي في القرآن بتتكلم عن القرآن - [00:43:15](#)

ايات في القرآن بتتكلم عن القرآن. يبقى القرآن بيتكلم عن ايه عن نفسه بيقول ايه القرآن ؟ وانه لتنزيل رب العالمين الله يعني مش تنزيل ايه حد ثاني وانه لتنزيل رب العالمين. بياكد - [00:43:29](#)

ان مش دي من ادوات التوكيد واللام مش مؤكدة اه يبقى اللام وانه لتنزيل رب العالمين رب العالمين. خل بالك تنزيل يعني حاجة جاية من الايه ؟ من العلو من العلو - [00:43:49](#)

لذلك في ايات تانية رب العزة يقول ايه ؟ وانه ها في ام الكتاب لدينا في ام الكتاب لدينا. فين ام الكتاب دي ام الكتاب لدينا كفاية لدينا دي. في ام الكتاب لدينا. يعني ما فيش حاجة بعدها - [00:44:12](#)

ما فيش حاجة فوق ثاني خلاص خلاص فوق فوق في ام الكتاب لدينا. ما فيش بعد كده اي علو ثاني خلاص وانه في ام الكتاب لدينا لعلي حكيم نازل بقى من فوق كل ده نازل نازل نازل - [00:44:33](#)

نزل به الروح الامين على قلبك. وروح امين ؟ ايوة. امين بقى امين السماء ينزل على ايه على امين الارض نزل به الروح الامين هنقول اذكر بس القراءتين اللي في الايه ؟ في الجملة دي - [00:44:54](#)

نزل به دي اللي احنا حافزينها قراءة نافع وابن كثير وابو عمرو وحفص وابو جعفر مجموعة العلماء اللي انا زكرتهم دول خلي بالك اما اقول لك دي قراءة كذا وكذا هم مجرد نقلة هم اللي نقلوا القرآنية لكن ما حدش ايه ها - [00:45:13](#)

ما حدش قرا من عنده. هم هم اللي سمعوها نزل به الروح الامين. فين الفاعل فين الفاعل ؟ نزل به الروح الامين. فين الفاعل ؟ ها الروح نزل الروح شيل الجر والمجرور ضم الكلام على بعضه كده. نزل الروح - [00:45:31](#)

مش كده اللي هو جبريل يعني. الامين دي صفة للروح نزل به الروح يبقى الفعل هنا اسند لمين لجبريل نزل به طيب ماشي القراءة الثانية بقى بقية القراء نقلوا عن سيدنا النبي عليه الصلاة والسلام هذه القراءة - [00:46:00](#)

نزل به الروح الامين نزل به الروح الامين فين الفاعل مستتر مش زاهر نزل به الروح الامين واضح كده ؟ يبقى مين اللي نزل الله نزل



قبل. انزل يا جبريل. حاضر - 00:46:21

انزل يا جبريل حاضر انزل بالصورة الفلانية. انزل بخواتيم البقرة انزل بكزا انزل بان اعطيناك الكوثر. بس ايوه انزل نزل به يبقى وانه لتنزيل رب العالمين نزل به الروح الامين نزل به الروح الامين - 00:46:53

ونزل تفيد كسرة الاله ؟ نزل نزل واضح كده؟ هم نزل به الروح الامين. تكفين على قلبك يا الله على قلبك. يبقى سواء نزل الروح او نزل امر الله الروح الامين ايه؟ الروح الامين ينزل. كل اي نزول له كان ينزل على ايه - 00:47:24

عالم القلب يعني ازاى ينزع على قلبي ازاى مش عارف مش عارف ينزل على قلبه ازاى يعني! دوس على قلبه يخش جون هو هيجي طب وبعدين اختيار قلب الرسول طب الجسم كله - 00:47:54

بين ودانه وفين كزا دانون قلبي اختيار قلب الرسول لان القرآن لم ينزل في صحف كالتوراة والايه يبقى مكانه فين ؟ قلب الرسول قلب الرسول. واشمعنى القلب؟ لان القلب ده - 00:48:13

وخلي بالك القلب ما فيش واسطة بينه وبين ما فيش حاجة في النص ما فيش حاجة في النص نزل على القلب ومباشرة وده دلالة على ان القلب سليم ويعقل ويعي ويفهم. ليه؟ لان عندنا ولقد ذرأنا لجهنم كثيرا - 00:48:35

من الجن والانس ها لهم قلوب ايه؟ لا يفقهون لا فكون القرآن ينزل على قدم الرسول عليه ان قلبه ايه بيفقه ويفهم ويأى قلب الرسول من خلال الايات ومن خلال السنة له خواص غير جسمه - 00:48:54

قلبه بالزات له خواص غير جسمه وغير اي قلب قلب الرسول عليه الصلاة والسلام غير بقية جسمه اصلا. غير بقية الجسم فيه خواص كده يعني عائشة رضي الله عنها تروي تقول يقول رسول الله صلى الله عليه وسلم تنام عيناى ولا ينام قلبي - 00:49:19

كلنا عارفين اللي بينام ايه العين وهو له عينين زينا فبتنام عينيه وقلبه طب واحنا القلب بيصحى ازاى يعني تنام عيناى ولا ينام قلب قلب الرسول ورد في سورة النجم ما كذب الفؤاد ما رأى - 00:49:39

قلوب الرسول ببشوف ببشوف ببشوف ازاى ما لكش دعوة بقى ما فيش دعوة. النووي قال كده. النووي قال كده. انا له بصر وعلشان كده رأى ربه ليلة المعراج. وابن عباس قال كده - 00:50:00

لما اتسأل هل رأى رسول الله ربه؟ قال رآه بفؤاده بالاية دي ما كذب الفؤاد ما رأى. السيدة عائشة بتقول لأ ما شافوش. تقصد البصر يعني هم الاثنين متفقين مش مختلفين - 00:50:18

زاهر الامر ان هم يعني ايه مختلفين لأ هم مش مختلفين هي بتنفي الرؤية البصرية فين في الرؤية البصرية؟ وهو ما لم يسبب الرؤية البصرية لم يسبب الرؤية البصرية هل رآه ابو فؤاده - 00:50:35

النووي يقول قلبه له بصر ايه ما فيش اي مشكلة يا اخي مش قلبه كمان ده الرسول عليه الصلاة والسلام كان يقول لهم كده اراكم من خلفي كما اراكم من امامي - 00:50:52

يبقى قفاه بيرى ؟ ايوه خصوصياته ربنا عامل له خصوصية. شايف الصحابة وهو واقف شايفهم بيعملوا ايه وشايف الصفوف مزبوظة ولا مش مزبوظة في الصلاة من غير ما يلتفت من غير ما يلتفت وايه الغريب فيه دي يعني - 00:51:05

ايه الغريب في دي يا اخي انت لما تدور على البتاع اللاب ده هتلاقي حطة بتاعة سودا كده هتستغرب ايه عاملة الكلام ده كله ازاى ؟ اقول له امسح امسح - 00:51:25

طب حط يحط صح ولا مش صح؟ عينيه فين وله عينين وله حاجات بيطلع لي معلومات وادي حاجة من صنع ايدينا احنا. فما بالك ما بالك بقى بصنع الواحد الاحد - 00:51:37

واضح يبقى نزل على القلب. ليه القلب ما بينامش ؟ يبقى قلب الرسول غير كل جسم الرسول وغير اي قلب قلب الرسول يرى ما فيش مانع يرى. ما بينامش ويرى. فينزل عليه - 00:51:50

الروح الامين بالقرآن طبعا القرآن قلت لكم ان هو مش مش مكتوب في كتب زي الصحف ولا زي ولا الانجيل. فهو لازم ييجي على ايه؟ ها؟ والرسول ما بيكتبش ولا بيقرأ. طب هنوصل له القرآن ازاى - 00:52:10

فكان هو ايه وانه لتنزيل رب العالمين نزل به الروح الامين على ايه؟ على قلبك في توراة مكتوبة خدها يا موسى واقراها وطبق اللي فيها. طب سيدنا النبي ما بيقراش. هتقول لي طب ما الصحابة يقرأوا يقرأوا له. ربنا شقي ان ما ينزلش مكتوب - [00:52:29](#)

ما ينزلش مكتوب هو ينزل كده بالطريقة دي وبعدين نبقي نكتبه بقى بعد ما ينزل وفعلنا بعد ما نزل انكتب ولزك شوف حفزه كمان القرآن بقى مع القلوب. القلوب بقى اللي بتحاول تقرب من قلب النبي عليه الصلاة والسلام وتتشبه بتاخذ نفس الجائزة - [00:52:49](#)

تحفظ الياه؟ القرآن. نزل به الروح الامين على قلبه. تلاقي واحد كفيف ويحفز كانت بتحفظ منين بقى ما انت ما شفتش مش كده؟ مجرد السماع طب ما هو برضه اصول سمع - [00:53:09](#)

لما سمع وركز في قلبه بدأ يحفز ويرتب ويرتب الايات ويرتب السورة ولذلك من فضل الله علينا العميان عندنا يحفظوا القرآن ويبقوا علماء وفقهاء لا يمكن تجد نصراني ولا يهودي كفيف - [00:53:25](#)

من العلماء بتوعهم ابدأ مستحيل لا تلاقي شماس ولا قسيس ولا راهب ولا بابا كفيف ابدأ. طب ليه؟ لازم يقرأ لازم يرى المكتوب طب ما تحفظوا ما يعرفش يحفزه ما يعرفش يحفزه - [00:53:44](#)

انت شفت حد كفيف؟ لو حد شاف الكفيف ابقى هاته لي ما فيش ابدأ ابدأ ابدأ ممكن يتولد كفيف ولحد ما يموت ويحفز ويحفز ويحفز على قلبك نزل به الروح الامين على ايه - [00:54:10](#)

على قلبك لتكون من المنذرين بلسان عربي مبين نكتفي بهذا القدر. صلى اللهم وسلم وبارك له. نعم؟ ولا تبخسوا الناس اشيائهم. ايوه ايوه ويؤتي كل ذي فضل. اه ماشي مطلقة - [00:54:31](#)

لأ مش مقصود بها الله الله اللي يؤتي اه اه ده رب العزة يؤتي كل ذي فضل فضله من الناس رب العزة يؤتي كل ذي فضل فضله من الناس. زيه هل جزاء الاحسان - [00:54:58](#)

الا الاحسان ولا انت قصدك ايه ها ايوه حق واه. طيب ايوه نبع نعم وغير المرسلين غير ايوه ايوه نعم نعم اه اه نعم نعم. ويعطي كل زيفة الياه؟ انزلوا الناس منازلهم؟ لا مانع ايوه. بعد تدخل ولا تبخسوا الناس - [00:55:19](#)

من اجلال الله اكرام ذي الشبهة المسلم والامام المقسط وحامل القرآن. دي ولا تبخسوا الناس الثلاثة دول ما نبخسهمش حقهم الشيب المسلم ياخذ حقه من التوقير وكزا. لو ما ادانيهوش حقه يبقى خسناه ايه؟ اه - [00:55:55](#)

وخالفنا الاية حدس بيني وبين زوجتي ولا ايه خلاف شديد واخيها حلفت عليها دخلت بيت ابيها تكون طالق وابوها مريض وهي عاوزه تشوف والكلام ده هذا يمين في لو قلت لزوجتك - [00:56:11](#)

اذا زهبت الى بيت ابيك فانت طالق اذا كنت آآ تقصد الطلاق وعقلت الطلاق على شرط فاذا وقع الشرط وقع الطلاق اذا كنت تقصد الطلاق وعقلت الطلاق على شرط وهو الزهاب لبيت ابيها - [00:56:45](#)

فاذا وقع الشرط وقع الطلاق واذا كنت تقصد تهديدها فلا يحسب طلاق وكفر نعتبره يمين وكفر عن اليمين اه. اه لأ هي لو راحت لو يقصد التهديد راحت ما راحتش - [00:57:11](#)

لأ هي ما راحتش ما عملناش حاجة بس هنا الاب اذا كان يقصد تهديد وراحت عليه كفارة جميع اذا كان يقصد طلاق ولم تذهب اصلا ما عليهوش اي حاجة. لا كفارة ولا محسوب طلاق - [00:57:31](#)

اذا كان يقصد طلاق لان هو علق الطلاق على شرط. لو رحت بيت اهلك بايطاليا. الشرط ما تحققش يبقى لا يقع ايه لا يقع طلاق ولا كفارة. لان هي اصلا ما راحتش. بس هنا مريض وهتروح - [00:57:50](#)

مطروح يبقى فيه حالتين لو راحت وكان يقصد التطليق يحسب طلاق وعاوز يرجع يرجع اذا كان يقصد الياه الطلاق وراحت تهديد وراحت او عاوز تسيبها تروح يبقى عليه كفارة يمين - [00:58:08](#)

والله تعالى اعلى واعلم صلى اللهم وسلم وبارك على نبينا محمد - [00:58:28](#)